

ՀԱՅԿԱԿԱՆ ՄՍ՝ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ ՏԱՐԵԿԱՆ
ԸՆԴՀԱՆՈՐ ԺՈՂՈՎԸ

Մարտի 30—31-ը Հայկական ՍՍՀ գիտությունների ակադեմիայի նիստերի դահլիճում տեղի ունեցավ հանրապետության գիտությունների ակադեմիայի տարեկան ընդհանուր ժողովը, որը քննարկեց ակադեմիայի 1975 թ. աշխատանքի արդյունքները և այն խնդիրները, որ այսօր զրկած են հանրապետության գիտնականների առջև:

Ներածական խոսքով հանդես եկավ ակադեմիայի պրեզիդենտ, ակադեմիկոս Վ. Հ. Համբարձումյանը: Նա ընդգծեց, որ այս տարի ժողովը տեղի է ունենում նշանակալի ժամանակներում՝ ՍՄԿԿ XXV համագումարի աշխատանքն ավարտվելուց անմիապես հետո:

— Համագումարի նյութերում և առանձնապես ընկեր Հեռնիդ Իլլիչ Բրեժնևի փայլուն, բովանդակալից զեկուցման մեջ հստակորեն ձևակերպվեցին մեր հասարակության կյանքում գիտության գերն ու տեղը։— Մենք քաջ գիտենք,— ասաց ՍՄԿԿ Կենտրոնական կոմիտեի գլխավոր քարտուղարը,— որ գիտատեխնիկական առաջընթացի ջրառատ հոսքը կցամաքի, եթե այն մշտապես շնուցվի ֆունդամենտալ հետազոտության ներքին։ Նաև ընդգծվեց, որ միայն գիտության ու տեխնիկայի արագ զարգացման հիման վրա կարող են լուծվել սոցիալական հեղափոխության վերջնական խնդիրները՝ կարող է կառուցվել կոմունիստական հասարակարգ։

Ինններորդ հնգամյակի տարիներին, շարունակեց Վ. Համբարձումյանը, Հայաստանի գիտությունների ակադեմիայի գիտական կոլեկտիվները զգալի հաջողությունների հասան ֆունդամենտալ և կիրառական գիտությունների մի շարք բնագավառում՝ ֆիզիկայի, մաթեմատիկայի, մեխանիկայի, աստղաֆիզիկայի, քիմիայի, երկրաբանության, կենսաբանության, բյոթիմիայի, հասարակական գիտությունների գծով։

Դրա հետ մեկտեղ, նշեց ընկ. Վ. Հ. Համբարձումյանը, մեր ակադեմիայի գործունեության մեջ կան լուրջ թերություններ: Հարկավոր է ավելի վճռականորեն պայքարել մանրաթեմայնության, ուժերի ու միջոցների փոշիացման դեմ, հստակորեն սահմանել գիտական հետազոտությունների հիմնական ուղղությունները: Դա առանձնապես կարևոր է այժմ, տասներորդ հնգամյակի սկզբին, երբ Հայաստանի գիտու-

Յյան, ինչպես նաև ամբողջ ժողովրդական տնտեսությունը առջև դրված են նոր պատասխանատու խնդիրներ:

Վերջում ակադեմիկոս Վ. Չ. Համբարձումյանը համառոտակի կանգ առավ այն գիտական ուղղություների վրա, որոնք առանձնապես հեռանկարային են մեր հանրապետության համար:

Հայկական ՍՍՀ գիտությունների ակադեմիա-
յի գործունեության հիմնական արդյունքների
մասին պեկուցումով հանդես եկավ ակադեմիայի
նախագահության գլխավոր գիտնական քարտու-
ղար, ՀՍՍՀ ԳԱ թղթակից-անդամ Ս. Ա. Բա-
կունցր:

Զեկուցման շուրջը ծավալվեց մտքերի փոխա-
նակություն, որին մասնակցեցին հանրապետու-
թյան գիտությունների ակադեմիայի ակադեմի-
կոսներ Ա. Ռ. Հովհաննիսյանը, Ա. Բ. Նալբանդ-
յանը, Մ. Գ. Ներսիսյանը, Ս. Մ. Մերգելյանը,
ակադեմիայի թղթակից-անդամներ Ա. Տ. Աս-
լանյանը, Մ. Լ. Տեր-Միքայելյանը:

Ջնդհանուր ժողովում տեղի ունեցավ Հայկական ՍՍՀ գիտությունների ակադեմիայի պարգևագրերի ավանդական ամենամյա հանձնումը:

ժողովի եզրափակիչ նիստում գիտական ղեկուցումներով հանդես եկան ակադեմիկոս Մ. Ք. Զաչլախյանը և ՀՍՍՀ ԳԱ ակադեմիկոս Հ. Խ. Բունիաթյանը:

Գիտությունների ակադեմիայի բաժանմունքների նիստերում, որոնք տեղի ունեցան մարտի 25—26-ը, քննարկվեցին բաժանմունքների դիտական հիմնարկների 1975 թ. գործունեության հիմնական արդյունքները և մի շարք գիտական զեկուցումներ:

Ընդհանուր ժողովին մասնակցում էին ՀԿԿ Կենտկոմի առաջին քարտուղար Կ. Ս. Դեմիրճյանը, ՀՍՍՀ Գերագույն սովետի նախագահության նախագահ Բ. Ե. Սարգիսովը, ՀԿԿ Կենտկոմի քարտուղար Կ. Լ. Դալլաքյանը, ՀՍՍՀ Մինիստրների սովետի նախագահի առաջին տեղակալ Գ. Ա. Մարտիրոսյանը, ՀԿԿ Նրևանի քաղաքային կոմիտեի առաջին քարտուղար Լ. Ն. Ներսիսյանը, ՀՍՍՀ Մինիստրների սովետի նախագահի տեղակալ Ռ. Ք. Սվետլովան, ՀԿԿ Կենտկոմի գիտության և ուսումնական հաստատությունների բաժնի վարիչ Յա. Ի. Խաչիկյանը:

2. ՄԻԿՐՈՆՅԱՆ